

Ձ. Ա. Ղ. Կ. 89
Ա. Մ. 1609

№ 1

ԱՆԻՔԻ ԳՐԱԴԱՐԱՆ

№ 1

Թ Ե Տ Ր Ը Կ

Ը Ն Կ Ե Ր,

Մ Ի


Դ Ա Ի Ա Ջ Ա Ն Ի Ր

Գ Ի Ճ Ճ Է 3 կոպ.

Թարգմ. ուսու. Ա. Ի.

1907 թ.

Թ Ի Յ Լ Ի Ս



Բ Ե Տ Ր Ե Կ

Ը Ն Կ Ե Ր,

Մ Ի

Դ Ա Ի Ա Ջ Ա Ն Ի Ր

H 25102

Գ ի ճ ն է Յ կ ու ղ .



Թարգմ. ուս. Ս. Խ.



Թ Ի Յ Լ Ի Ս

Էլեկտրոնային տպագրության «ԵՐՄԷՍ» Ս. Պ. եղիպարեանի.

Մաղաք. փող. № 5.

1907 թ.

(11)

ԸՆԿԵՐ, ՄԻ ԳԱՒԱՃԱՆԻՐ!

(Շտրեկրէյխերի յորդորը)

Լսիր, ընկեր!...

Եւ այդպէս, հրաժարուցիր մասնակցել մեր միութեանը. դու չես ցանկանում մեզ հետ ձեռք ձեռքի տւած գործել այն շարժման և պայքարի մէջ, որը մենք սկսեցինք, որպէսզի ձեռք բերենք մեր աշխատանքի ու կեանքի որոշ բարելաւումը: Դու չես ցանկանում լինել ընկեր այն կուում, որը պէտք է թեթևանցնէ մեր թշուառ, չարքաշ կեանքը: Բայց գուցէ դու չես հրաժարուի լսել մի բանի խօսք, որով ես քեզ եմ դիմում. դու իհարկէ ականջներդ չես փակի և չես հրաժարուի լսել իմ ճառը. դուցէ համբերութիւն ունենաս մի բանի բոպէ և թոյլ կըտաս ինձ ասել այն, ինչ որ ես եմ մտածում փորձել քեզ ապացուցանելու քո մոլութիւնները, և իմ բոլոր ասածների ամբողջ օգուտը ու արդարութիւնը:

Ձե՛ որ դու չես հերքի, որ արեւը լոյս է տալիս: Երբ մեր գիւղում, միութիւն կազմեցինք աշխատանքի պայմանները բարելաւելու նպատակով և երբ համարեա բոլոր բանւորները նրան մասնակցեցին, դու ասեցիր, թէ այդ միութիւնը մի թակարդ է, որ պատրաստել են սօցիալիստները բանւորներին խաբելու:

համար, թէ որ մի յոյս չըկայ աշխարհը շրջելու և կազմակերպելու մեր ցանկացածի պէս, թէ մինչև այժմս աշխարհում եղել են աղաներ և տէրեր, նրանք կըմնան և սրանից յետոյ, թէ միանգամայն յիմարութիւն ու անօգուտ է փորձել որևէ կերպով բարելաւելու մեր կեանքը:

Բայց նայիր դու ուշի ուշով. և կըտեսնես, որ թէև ոչ բոլոր բանւորները մասնակցեցին միութեանը և ոչ բոլորը հասկացան նրա անհրաժեշտութիւնը, բայց և այնպէս այժմ արդէն շատ բան է փոխուում մեր աչքի առաջ ու կատարուում է բոլորովին այլ կերպ, քան առաջ:

Առաջ գոյութիւն չունէին պայմանագրեր, որոնք կանոնաւորէին և կարգաւորէին որոշ պայմաններով մեր աշխատանքը: Տէրերը, ինչպէս մեզ, նոյնպէս և մեր իրաւունքները՝ ոչ մի բանի տեղ չէին դնում. տէրերին մենք շատ քիչ էինք տեսնում, երկու երեք անգամ ամբողջ ամառայ ընթացքում, և խօսել նրանց հետ կամ մտնել բանակցութեան մէջ. չէր թոյլատրուում: Գործակատարները կամ վերակացունները ունէին անսահման իրաւունք մեզ վրայ: Մենք ստիպւած էինք բաւականանալ ցածր վարձագնով և լուռ տանել մեզ հասցրած բոլոր անարդարութիւնները:

Այժմս արդէն գործերը գնում են ուրիշ կերպով: Շատ տէրեր այժմ անհրաժեշտ են գտնում բանակցութիւնների մէջ մտնել մեզ հետ, պայմանագրեր ու դաշինքներ կապել, որոնց մէջ միանգամայն պարզ որոշուում են մեր բոլոր պարտականութիւններն ու անելիքն աշխատանքի ժամանակ. նրանք այժմս քիչ-քիչ սկսում են անհրաժեշտ գտնել մեր ոտճիկների աւելացնելը:

Մեզ հետ սկսում են վարւել աւելի լաւ, քան առաջ և մեր հասցէին ուղղած վիրաւորանքները կարծես

նոյնպէս նւագում են. ընդհանրապէս սկսում են յարգել մեր մարդկային արժանապատուութիւնը և աւելի բազաքավարի լինել:

Այս բոլորը կատարւեց մի քանի ամսւայ ընթացքում և դա մեր կազմակերպութեան, մեր միութեան անմիջական հետեանքն էր: Իսկ դու, աչքի առաջ ունենալով այս բոլորը, յիմարի պէս կըսկսես պնդել, թէ անկարելի է փոխել իրերի դրութիւնը այս աշխարհում. և մի՞թէ դա միեւնոյնը չէ, եթէ ասես, թէ արևը չէ լուսաւորում մեզ երկնքից:

Իսուաճանի, այսինքն ուզում եմ ասել... Ուրեմն, եթէ ճիշտ է այն, որ մեր միութեան օգնութեամբ մեզ յաջողեց ձեռք բերել մի քանի բան, ապա ինչ՞ո՞ւ, ասա ինձ, ընկեր, դու այնուամենայնիւ շարունակում ես մեզնից հեռու մնալ: Կամ թէ չէ մենք արժանի չենք ունենալ քեզ իբրև ընկեր, մի՞թէ դու էլ մեզ պէս մարդ չես: Ձէ որ մենք քեզանից չենք խնդրում որևէ չափազանց դժւար, անկարելի բան, մենք միայն ասում ենք, մի խանգարիլ մեր գործին: Հասկան՞ում ես դու արդեօք այդ խօսքերի նշանակութիւնը: Գիտե՞ս դու արդեօք ինչ է նշանակում դաւաճանել պրօլետարիատի, բանւոր-աշխատաւոր ժողովրդի գործին:

Այդ նշանակում է սեփական կրծքով պաշտպանել ախրոջ շահերը, նրա իրաւունքները: Այդ նշանակում է խանդարել բանւոր—աշխատաւոր ժողովրդի ազատագրութեանը, այդ նշանակում է քո սեփական մարմնով փակել դժւար ճանապարհը այն անբախտների առաջ, որոնք դուրս են եկել դաժան կռուով իրենց, և իրենց եղբայրների համար աւելի նոր ու լաւ վիճակ ստեղծելու:

Քո սեփական շահը...

Բայց դու պատասխանում ես, որ գնալով բունելու, երբ միւսները յօժարակամ նրանից հրաժարւում են, դու բնաւ չես ցանկանում ընկերներին դ վնասել. այլ լոկ քո անձնական շահն ի նկատի ես առնում, և ցանկանում ես ծառայել տիրոջը:

Վերլուծենք այժս, յիրաւի, ինչո՞ւն է կայանում քո շահը, քո օգուտը: Նրանում, որպէս զի աշխատես 40 սալդօ փոխանակ 35-ի, աշխատես 8-ը ժամ փոխանակ 9-ի, յաճախ միս ուտես, քան թէ ցամաք հաց, քնես փափուկ անկողնի վրայ բրդի վերմակի տակ, մաքուր սենեակում, և ոչ թէ ձգել խոտի վրա մութ, խոնաւ նկուղում: Ուրեմն գնալով գործի, երբ ընկերներդ գործադուլ են յայտարարել, դու դրանով բոլորովին չես ծառայում քո իսկական շահերին, որովհետև դրանից, այսինքն քո այդպիսի վերաբերմունքից օրավարձդ չի աւելանայ, բանւորական օրդ չի կրճատւիլ, արդիւնքդ չի մեծանայ, թէկուզ տէրդ քեզ օրական աւելորդ մի քանի կոպէկներ վճարի, չէ՞ որ դա որոշ չափով կըլինի մեր ընդհանուր գործին դէմ կատարած դաւաճանութեանդ վարձատրութիւնը: Ուստի քո իսկական շահը ոչ թէ նրանումն է, որ քծնելով ճորտի նման ծառայես քո տիրոջը և դաւաճանես ընկերներին, այլ նրանում, որ դու թէ այսօր և թէ միշտ ապացուցես քո ունիցած համերաշխութիւնը նրանց հետ:

Եթէ նրանք մի բան ձեռք բերեն, զոր օրինակ՝ իրանց վիճակի՝ որևէ բարելաւումն, չէ՞ որ այդ բարելաւումից դու էլ մասն ունես, չէ՞ որ նրանք այդ ձեռք են բերում նաև քեզ համար. քո ընկերներին ջանքերով ստացած այդ բարելաւումը, որպիսին է աշխատութեամբ բարձրացնելը կամ աշխատանքի ժամերի կըր-

ճատելը, չէ՞ որ տէրերի ինքնակամ նւէրներ չեն և ոչ էլ տւած վարձատրութիւն ընկերներին դւարճացնելու համար, այլ մնայուն և մշտական յաղթանակներ: Տէրերն այլ ևս չեն կարող վերստին յետ խելի այդ բոլորը մեզնից, այդ ձեռք բերւած նոր բարիքները պատկանում են ամբողջ բանօրական դասին և ոչ թէ միայն քեզ:

Ընկերական զպացմունքը, շահերի ընդամնումիւնը քեզ արդիւում են: Ահա դարձեալ դու առարկում ես միութիւններին և գործադուլների դէմ, որ գործադուլ անելով բոլոր ընկերներիդ հետ դու իբր թէ պատճառում ես տիրոջը ախպրիսի մի չըտեսնւած մեծ ֆուսս, որ նա այդ երևի քեզ երբէք չի ների և կաշխատի քեզնից վրէժ լուծել, երբ որ դու կարիք կունենաս նրա օգնութեանը:

Եւ քո այդ վախը չափազանցրած է: Անշուշտ, եթէ գործադուլ անես, դա բնաւ բաւականութիւն չի պատճառի տիրոջը, բայց չէ՞ որ ընդհանուր գործադուլի ժամանակ նա գործ կունենայ ոչ թէ միայն քեզ հետ, այլ բոլորիս հետ, և ինչո՞ւ այն ժամանակ նա միմիայն քո ընտանիքից պէտք է վրէժ առնէ:

Մի՞թէ չես տեսնում, թէ որքան ենք մենք:

Մեզ պէսների թիւը հարիւրների, հազարների, տասնեակ հազարների է հասնում և մենք բոլորս գլտնում ենք միատեսակ դժոխային պայմաններում: Եթէ տէրը ցանկանայ մեզանից մէկից ոխ հանել, մենք չինք թողնի մեր խեղճ ընկերոջը, ամեն կերպ կը պաշտպանենք նրան և տէրը ստիպւած կը լինի հրաժարել այդ ոխից, ինչպէս նա այժմ հրաժարւում է իւր ստացւած արդիւնքների մի մասից: Այնուհետև ինքդ կը ռազատիր. այժմ մենք ամեն ճիգ ենք թափում, որ ստիպւած չը լինենք կարիքից ձմեռներն ի հաշիւ հետեւեալ ամառւայ աշխատավարձի առաջուց

պարտք առնել տիրոջից: Մեր դժւար աշխատանքը պէտք է վարձատրուի այնպէս, որպէսզի մեր ընտանիքները գոնէ ունենան ձմեռայ անհրաժեշտ ապրուստը, որպէսզի ստիպւած չըլինենք ամեն անգամ ստորանալ, խոնարհւել և աղերսել տիրոջից մի պարկ ալիւր կամ ցորեն:

Քահանան ստախօս է: Վերջապէս գործադուլի դէմ արած առարկուութիւններիդ մէջ պնդում ես, որ ըմբոստութեամբ չայս աշխարհում ոչ ոք ոչնչի չի հասել և երբէք էլ ոչնչի չի կարող հասնել: Ասում ես, թէ աւելի լաւ է սպասել, մինչև որ հարուստները ինքնայօժար կը կատարեն այդ զիջումները, որոնք մենք այժմ նրանցից պահանջում ենք. այդ զիջումները պէտք է համբերութեամբ սպասենք, չը դիմելով ոչ գործադուլների և ոչ էլ սպառնալիքների, որովհետև բոլոր գոյութիւն ունեցող կարգերը լաւ են ու խելացի, և մահացու մեղք է փոփոխութիւններ պահանջել, դա նշանակում է դէմ գնալ Աստծուն, դէմ գնալ Նրա սուրբ կամքին:

Քահանան, որը սովորեցնում է քեզ այդ տեսակ հնազանդութիւն, ծածկում է քեզնից այն բոլորն, ինչ որ նրա եկեղեցին ու հոգևորական խմբակը կատարել է ամբողջ պատմութեան ընթացքում: Ո՛րքան արիւնահեղ կռիւներ, որքան մարդկային կեանքեր հազարներով, տասնեակ հազարներով զոհ են գնացել միայն այն պատճառով, որ եկեղեցին ազանութեամբ ձգտում էր դէպի աշխարհի տիրապետութիւնը, դէպի երկրային իշխանութիւնը: Խոնարհամտութեան ու ստրկական հնազանդութեան ապիկար գաղափարը անբարոյակա՛նութիւն է, դէմ է կրօնին, դէմ է Քրիստոսի վարդապետութեանը, հնազանդւել և հանգիստ նայել, թէ ինչպէս այս աշխարհում անարդարութիւնն է թագաւո՛-

րում, տեսնել մեր զաւակների տանջանքները հիւանդութեան ճանկերում, մինչդեռ հարուստները և բախտաւորները անդորր սրտով վայելում են կեանքի բարիքները: Լուռ ու մունջ խոնարհեցնել զլուխը մի ինչ որ գործակատարի կամ վերակացւի ամենակարողութեան առաջ, տանել անձայն և գործի կանգնելով նախօրօք համաձայնել երկրի պտուղների անարդար բաժանման հետ, որոնք մենք ենք արտագրում մեր չարքաշ ծանր աշխատանքով: Ո՛չ, այդ բոլորը հեռու է քրիստոնէութիւնից, որովհետև Քրիստոսի վարդապետութիւնը, բոլոր նրա մտքերը, նրա սէրը դէպի մարդիկ սփռւեցին, տարածւեցին աշխարհումս, որպէս բողոք բռնութիւնների ու անարդարութիւնների այն անդնդի դէմ, որում թաղւել էր այն ժամանակւայ մարդկութիւնը:

Քրիստոսը ինքը ասաց, թէ բերել է աշխարհին ոչ թէ խաղաղութիւն, այլ սուր: Եւ իր վարդապետութեան ու դէպի տառապողներն տաժած իր սիրոյ համար այդ սրով նա պատերազմելու գնաց ընդդէմ սարկութեան: Թէև շատ դարեր են այդ օրւանից անցիլ, բայց և այնպէս սարկութիւնը վերջապէս խորտակւեց, խորտակւեց Քրիստոսի սրի հարւածների տակ. ուրեմն, հարկաւոր չէ հլու հնազանդ սպասել, մինչև որ տէրը իր բարի կամքով ու քէֆով բարեհաճի մի փոքր լաւացնել մեր դրութիւնը. հարկաւոր չէ լսել քահանայական խորհուրդները չէ՞ որ քահանան տիրոջ հետ միասին ցանկանում է, որ դու ծնկաչոք միշտ նրանց սուաջ սողաս:

Ո՛չ, դու պէտք է գնաս մեզ հետ մեր շարքերում, որպէսզի թիկունք թիկունքի տւած կուես՝ բոլոր հասարակական անարդարութիւնների դէմ, որոնք ճնշում են մեզ, աշխատաւոր ժողովրդիս և մեր կեանքը դարձնում լացի, վշտի և տանջանքների մի ծով:

Ընկեր! եղբայր! մի դաւաճանիր մեզ, Դէ՛հ լսիր ընկեր! լսիր իմ այս խօսքերը և հաւատա որ քո շահը, քո օգուտը և քո պարտքը կայանում է նրանում, որ դու քո ձեռքը մեկնես բաղդակից ընկերներիդ Նախ քան վերջնականապէս վճռել և քո ընկերների գործին դաւաճան հանդիսանալ, դառնալ Յուդա, մատնիչ, շտրայկբեխեր, կանդառ, մտածիր ընկեր: Յիշիր, որ դու էլ, ինչպէս բոլորը, անբաղդ ես, որ քո վիճակը դաժան է ու տխուր, որ քո ձեռքերը անդադար աշխատելուց կոպտացել են և ծածկել կոշտով, որ քո խրճթում ոչ ամեն օր կուշտ ստամոքսով են, որ խաղաղութիւնը ու համաձայնութիւնը միշտ չեն թագաւորում քո ընտանիքում, որովհետև կսկիծն ու կարիքը իրանց հետ բերում են միշտ անբաւականութիւն, տրտունջներ և խռովութիւններ. յիշիր վերջապէս, որ դու ինքդ, ինչպէս էլ որ քեզ կոչէին, որտեղացի էլ որ լինէիր, ինչով էլ որ պարապէիր, եթէ դու բանւոր ես, այն էլ գիւղական բանւոր, վարձկան մշակ, դու տանջուում, չարչարուում ես այս աշխարհում, ուստի և պէտք է զգաս քո դառը վիճակը, քո ծանր կեանքը փոփոխելու բուռն ցանկութիւնը:

Այսպէս ահա բոլոր քո ընկերները, որոնք նայում են այժմս, թէ ինչպէս դու գնում ես բանելու նրանց փոխարէն, դրանք բոլորը այն դժբաղդ ժողովուրդն է, որ կուռւմ է, պատէպատ է ընկնում, դիմում է գործադուլների, որպէսզի բարելաւի իր դառն վիճակը: Նրանց մի մատնիր, նրանց գործին մի դաւաճանիր, ճ, եղբայր աշխատաւոր, մի սրբապղծիր քո խիղճը, եղբայրասպանութեան մեղք մի գործիր:

Աչքդ մի փակիր...

Նայիր, քո առաջ ծնւում է նոր չտեսնւած աշխարհ, տես, քո ընկերները կարողացան միանալ մի

ընդհանուր դրօշի տակ, տես ի՞նչ հպարտ տարածւում է նրանց դրօշակը, լսիր, ինչպիսի հուժկու երգ է հնչում նրանց կրծքից և պահանջում է հաց, ընկերասիրութիւն և բուն, որը չէ խանդարւում խղճի խայթոցով:

Վախով և թերահաւատութեամբ մի նայիր այս ամբողջ ժողովրդի վրայ, որը դէպի քեզ բարի է, որը ժամէ ժամ սպասում է քո մօտենալուն, որպէսզի սեղմի ձեռքդ ընկերական վառ սիրով, որպէսզի բաժանի քեզ հետ ընդհանուրի ծանր վիճակը:

Մի ստիպիր քեզ երկար սպասելու, կամակոր ընկեր:

Թող գործդ, հեռացիր դաշտից, որտեղ քեզ միայնակ թողնցին ընկերներդ: Թող գործարանն ու արհեստանոցը, որի հետ քեզ այժմս կապում է քո եսականութիւնը ու ազիտութիւնը. և գնահարանց հետ, կատարիր մարդկային և բանւորական պարտականութիւնդ:

Եթէ դու չես լսի այս խորհուրդները և կը շարունակես քո ընկերներին դաւաճանել, այն ժամանակ կը զգաս սխալներիդ ամբողջ ծանրութիւնը: Քո ընկերներից մի քանիսը, ամենից շատ զրկւածները, աւելի տաքազլուխներն ու անհամբերներ, կամենալով քեզ արգելել աշխատելու, կարող են սխալներ կամ նոյն իսկ յանցանքներ գործել, նրանց կարող են ձերբակալել, դատարանին յանձնել, դատել, բանտարկել և նոյն իսկ կեանքից զրկել:

Եւ կըողբան մայրերը, կըհեկեկան նրանց կանայք, կըտուժեն միանգամայն անմեղ նրանց զաւակները և քո սիրտը այս բոլոր տանջանքներից կը մռայլւի կսկիծով, քեզ կըտանջի խիղճդ և դու հանգիստ չես գտնի կեանքումդ: Եթէ դու սիրտդ, խելքդ

և միտքդ բաց կանես եղբայրական զգացմունքների համար և եթէ անձդ կընւիրես այն պարտականութեանը, որին քեզ կապում է բոլոր բանւորների և աշխատաւոր ժողովրդի եղբայրութիւնը, ընդհանրութեան շահը, դու այն ժամանակ արհամարհանքով կընայես այն բոլոր գայթակղութիւնների հրապոյրների վրայ, որոնցով քեզ ուզում էր գայթակղեցնել ու գրաւել քո տէրը, դու կըթողնես դաշտը, կըթողնես հողը, որը դու այսքան տարի զուր տեղը ջրում էիր քո քրտինքով, և կըմիանաս գործադուլաւորներին, բանւորների և աշխատաւորների այն մեծ բանակին:

Այն ժամանակ մինչև վերջ կատարելովք պարտքը և վերադառնալով գիշերը քո սիրելիների և ընտանիքիդ մօտ, դու նրանց կասես հանգիստ հոգով ու մաքուր սրտով. «Որդիքս, այն հացը, որը ես պէտք է ձեզ բերէի այս երեկոյ, թրջւած կը լինէր իմ և ձեր հազարաւոր ընկերների արտասուքով, այն փողը, որը ես այսօր վաստակելու էի դաւաճանութեան գնով, դրոշմւած կը լինէր անէծքով:


Եւ անհ ես գերադասեցի վերադառնալ ձեզ մօտ և բերել ձեզ ամենաաղքատ ընթրիք. թող դա լինի չոր հացի հասարակ մի կտոր, բայց մենք կուտենք այդ հանգիստ խղճով:

Ես ցանկացայ մասնակից լինել իմ ընկերների վիճակին և տանջանքին, որոնք գլուխ են բարձրացրել, կուռւմ են, մարտնչում թէ իմ և թէ ընդհանուր գործի համար: Ես հաւատացած եմ, որ այսպէս վարւել թելադրում էր իմ պարտքս և եթէ դուք մի քիչ նեղութիւն կրէք, տանջէք այն հանգամանքից, որ ես գործադուլ եմ արել, ես յոյսով եմ, որ ինձ կը ներէք»:

Եւ այն ժամանակ քո կիսդ և որդիքդ քեզ կը ողջագուրեն, կը փայփայեն ու կը ծածկեն ջերմ համբոյրներով: Ընկեր, եղբայր, մի դաւաճանիք միւր ընդհանուր գործին:







ԳԱԱ Հիմնարար Գիտ. Գրադ.



220025102

[044.]

A ^{II} 25102

Դ Ի Մ Ե Լ

Թիֆլիս, «Դուստներեզ» գրականութիւն և
Н. Матинянц, Эрив. площ. книжный Киоск-
„Парос“.

Տպագրութեան համար պատրաստ են մի քանի
բրօշուրներ: